

Per pertandingan Penulisan

# SATU KAMPUNG SATU PANJUN

NEGERI MELAKA



KATEGORI :

PERINGKAT DUN | PERINGKAT NEGERI

Tarikh Penyertaan : **13 - 26 SEPTEMBER 2023**



BAHAGIAN TEKNOLOGI MAKLUMAT DAN KOMUNIKASI  
JABATAN KETUA MENTERI MELAKA



JKKM  
JAWATAN KETUA MENTERI MELAKA



• **RM1000.00**  
UNTUK SETIAP PEMENANG  
PERINGKAT DAERAH

• **DAPATKAN BORANG PENYERTAAN**  
DI JAPERUN BERHAMPIRAN

# *ASSALAMUALAIKUM...*

---

*Kuih bingka pembuka selera,  
Pilihan ramai waktu sarapan;  
Bersua muka bagai saudara,  
Dewan permai beri harapan.*



# KONSEP PANTUN

---

- ❖ **Jenis pantun:** Pantun empat (4) kerat;
- ❖ **Konsep pantun empat kerat:** Karangan berangkap terdiri daripada empat baris: dua (2) baris **pembayang / sampiran** + dua (2) baris **maksud**;

# TEMA DUN & NEGERI

---

- ❖ **Tema Peringkat DUN:** Perlambangan nama kampung, sosioekonomi dan sosiobudaya kampung, dan daya tarikan kampung.
- ❖ **Tema Peringkat Negeri:** Perlambangan Negeri Melaka, sosioekonomi dan sosiobudaya Negeri Melaka, dan daya tarikan Melaka.

# BINAAN DAN POLA RIMA

---

## Binaan pantun:

1. Setiap baris ada 8 - 12 suku kata;
2. Bilangan kata ada 3 - 5 kata;
3. Rima ialah bunyi suku kata akhir, bukan huruf terakhir pada suku kata;

## Pola rima:

1. Hujung: *abab* (persis: ka, uh, ta, uh)
2. Tengah: *abab* (mirip: gur, pa, dur, pa)

# PANTUN CONTOH

*Kenari suka terbang ke lurah, (10)*  
*Sukar ditangkap sudah pasti;(9)*  
*Negeri Melaka kaya sejarah,(11)*  
*Segar terungkap di dalam hati.(10)*

A

B

\*Dalam serangkap pantun, **tema, binaan rangkap, ayat dalam baris, bilangan kata dan suku kata** serta **pola rima (*abab*)** bersifat sepadu. Inilah **kearifan** pencipta yang ingin kita pupuk.

# KONSEP PANTUN

- ❑ Pantun: Sejenis puisi Melayu tradisional yang menyampaikan **pelbagai perasaan**;
- ❑ Asal “pantun”: *toen, tuntun, tonton, atuntun, matuntun, panton*, dan *pantun* (dalam pelbagai bahasa di Nusantara);
- ❑ Pantun ialah pengucapan yang teratur, tersusun, dan indah atau perilaku yang terpimpin, terdidik, bersopan, dan bertatasusila;
- ❑ Pantun juga bermaksud “**umpama, seperti, sebagai, laksana, bak**”
  - “*Tuan sepantun kilat cermin, di balik cermin nampak juga*”
  - “*Sepantun ayam tidak berinduk, menampi orang maka makan*”

# KONSEP PANTUN

---

- ❑ Pantun ialah seni penulisan yang merangkumi unsur:
  - pemilihan kata (diksi)
  - pemendekan ayat (ayat mudah)
  - pembatasan suku kata (8-12 suku kata)
  - pemerihalalan alam sekeliling (pembayang)
  - pernyataan maksud secara santun (maksud)
  - penyusunan rima: awal, tengah dan **hujung** (*abab*)\*  
(*hujung wajib, tengah pilihan, awal tambahan*)
- ❑ Pantun mengisahkan perilaku manusia dalam hubungannya dengan manusia lain, alam, dan Yang Maha Pencipta.



# PANTUN DALAM LAGU

---

*Seri Mersing lagulah Melayu,  
Dikaranglah oleh biduan dahulu;  
Hatiku runsing bertambahlah pilu,  
Mengenangkan nasib yatim piatu.*

*Pantai Mersing kualalah Johor,  
Pantainya bersih sangatlah masyhur;  
Pohonkan doa kitalah bersyukur,  
Negaralah kita aman dan makmur.*

# PELUASAN CIRI PANTUN

---

- ❑ Skema rima di tengah dan / atau di **hujung baris** adalah berjajar berselangan: **ab;ab**, dan ada juga **aa;aa**.
- ❑ Struktur pantun ada dua unit: **pembayang** (kiasan) dan **maksud** (inti persoalan).
- ❑ Pembayang berkisar tentang gambaran alam dan maksud berkisar tentang sifat/sikap manusia.
- ❑ Setiap rangkap memiliki **kesatuan idea**.

# PELUASAN CIRI PANTUN

---

- **Diksi** merujuk kepada lambang yang sesuai dengan **norma, nilai dan tanggapan masyarakat setempat.**
- Pantun yang baik mempunyai **hubungan atau tautan idea dan wacana antara unit pembayangdan unit maksud.**

# JENIS/BENTUK PANTUN

---

## □ Berdasarkan bentuk:

1. Pantun dua kerat
2. **Pantun empat kerat**
3. Pantun enam kerat
4. Pantun lapan kerat

## □ Berdasarkan isi:

1. Pantun budi
2. Pantun kanak-kanak
3. Pantun perpisahan
4. Pantun hiburan
5. Pantun teka-teki
6. Pantun nasib
7. Pantun peribahasa
8. Pantun kiasan

# PANTUN EMPAT KERAT

---

*Tenang-tenang air di laut,  
Sampan kolek mudik ke tanjung;  
Hati terkenang mulut menyebut,  
Budi sedikit rasa nak junjung.*

# CONTOH PANTUN BUDI DAN KANAK-KANAK

---

*Pulau Pandan jauh ke tengah,  
Gunung Daik bercabang tiga;  
Hancur badan dikandung tanah,  
Budi yang baik dikenang juga.*

*Jangan gergaji pokok talas,  
Nanti lesung dimakan pahat;  
Jangan menjadi orang malas,  
Perut kosong badan tak sihat.*

# PERPISAHAN DAN HIBURAN

---

*Hari ini menugal jagung,  
Hari esok menugal jelai;  
Hari ini kita berkampung,  
Hari esok kita bercerai.*

*Dari Melaka pergi ke Pahang,  
Singgah di Johor beli berangan;  
Kami mengucapkan selamat datang,  
Apa yang kurang dikeji jangan.*

# TEKA-TEKI DAN NASIB

---

*Tanam pisang sulung tahun,  
Malam-malam tanak nasi;  
Di dalam batang ada daun,  
Di dalam daun ada isi.*

*Seri Mersing lagu Melayu,  
Mari dikarang zaman dahulu;  
Duduk termenung menungkat dagu,  
Mengenang nasib dagang piatu.*



# PERIBAHASA DAN KIASAN

---

*Buat bangsal di Pulau Daik,  
Menahan taut sambil mengilau;  
Kalau asal yang benih yang baik,  
Jatuh ke laut menjadi pulau.*

*Tebang gelam tebang kenanga,  
Batang tumbuh menimpa gedung;  
Kumbang mengidam nak seri bunga,  
Bunga kembang di puncak gunung.*

# TEKNIK PENCIPTAAN PANTUN

---

- **Teknik menyusun kosa kata**
  - Menerusi teknik ini, pencipta menyusun senarai kosa kata (diksi) yang sama bunyi suku kata akhirnya secara abjad mengikut tema pilihan.
- **Teknik mencari kelainan situasi**
  - Pencipta mengenal pasti pantun lama (tradisional), kemudian berfikir di luar kotak untuk mengarang pantun yang mirip, demi peluasan tema atau kesinambungan pantun sedia ada.

# SALAM HORMAT...

---

*Jika jemur tikar mengkuang,  
Jemur bermula waktu pagi,  
Usah nanti bertangguh pula,  
Datang bahaya ditimpa hujan;  
Jika ada umur yang panjang,  
Kelak kita berjumpa lagi,  
Andai di sini berakhir segala,  
Maafkan saya tuan dan puan.*

# PENUTUP (INOVASI SI JALI-JALI)

---

*Wan Empuk dan Wan Malini,  
Pergi Daik puasa menjelang;  
Yang buruk tinggalkan di sini,  
Yang terbaik bawalah pulang.*



---

# AKHIRNYA... (INOVASI SERAMPANG LAUT)

*Minuman selasih jadi penye<sup>gar</sup>,  
Selasih dicamp<sup>ur</sup> daun pandan;  
Terima kas<sup>ih</sup> kerana mende<sup>ngar</sup>,  
Bahasa yang luh<sup>ur</sup> buat panduan.*

Bahasa Jiwa Bangsa

**Tok Mat, 012-3718730**